



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br: 12/03, 34/03 i 65/13), člana 38. Statuta Grada Sarajeva (Službene novine Kantona Sarajevo" broj 34/08 - prečišćeni tekst) i člana 7. Odluke o osnivanju Javne ustanove "Muzej savremene umjetnosti ARS AEVI Sarajevo" (Službene novine Kantona Sarajevo" broj 49/17) i tačke II Odluke o standardima i kriterijima za imenovanje na na poziciju predsjednika i članova upravnog i nadzornog odbora Javne ustanove "Muzej savremene umjetnosti ARS AEVI Sarajevo" ("Službene novine Kantona Sarajevo" broj 30/08) i člana 30. Pravila Javne ustanove „Muzej savremene umjetnosti ARS AEVI Sarajevo“ broj 01/04-05-3827-5/18 od 18.07.2018. godine, gradonačelnik raspisuje:

JAVNI OGLAS
za izbor i imenovanje članova Upravnog odbora
Javne ustanove „Muzej savremene umjetnosti ARS AEVI Sarajevo“

Oglašava se upražnjena pozicija u Javnoj ustanovi „Muzej savremene umjetnosti ARS AEVI Sarajevo“ (u daljem tekstu: Muzej):

I Upravni odbor od tri člana od čega je jedan član iz reda uposlenika Grada Sarajeva (osnivača) i jedan član iz reda uposlenika Muzeja.

II Upravni odbor vrši slijedeće poslove:

Donosi Pravila Muzeja; donosi Pravilnik o unutrašnjoj organizaciji i sistematizaciji radnih mjesta; po prethodno pribavljenom mišljenju Gradonačelnika, donosi sve druge opšte akte (Pravilnik o radu, Pravilnik o plaćama, Pravilnik o zaštiti na radu, Pravilnik o korištenju putničkih automobila, Poslovnike o radu stručnih kolegija i „opšta“akta kojima se uređuje rad u muzejskoj djelatnosti); utvrđuje planove rada i razvoja; utvrđuje godišnji izvještaj o radu i program rada; donosi finansijski plan i usvaja godišnji obračun; odlučuje o svim pitanjima obavljanja djelatnosti, ako zakonom nije određeno da o određenim pitanjima odlučuje neki drugi organ ili direktor; imenuje i razrješava direktora Muzeja; ocjenjuje, usmjerava i kontroliše rad direktora; rješava pitanja odnosa sa osnivačem; donosi odluke o korištenju sredstava; donosi odluke o iznosima za stručno obrazovanje; usavršavanje i edukaciju zaposlenika; podnosi Osnivaču najmanje jednom godišnje Izvještaj o poslovanju; podnosi Izvještaj o radu Upravnog odbora najmanje jednom godišnje; obavlja i druge poslove u skladu sa zakonom.

Naknada za rad u Upravnom odboru će se utvrditi ugovorom o radu, a u skladu sa Odlukom gradonačelnika.

III Opšti uslovi koje kandidat treba da ispunjava:

- da je državljanin Bosne i Hercegovine,
- da je stariji od 18 godina,



- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- da se na njega ne odnosi član IX 1. Ustava Bosne i Hercegovine – da nisu pod optužnicom Međunarodnog suda za ratne zločine u bivšoj Jugoslaviji,
- da nije osuđivan za krivično djelo i za privredni prestup nespojiv sa dužnošći u upravnom i nadzornom odboru javne ustanove i da se protiv njega ne vodi krivični postupak,
- da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine (“Službene novine Federacije BiH” broj 70/08)
- da nije na funkciji u političkoj stranci.

IV Posebni uslovi koje kandidat treba da ispunjava:

- visoka stručna sprema i najmanje pet (5) godina radnog staža,
- da nema privatni finansijski interes u javnoj ustanovi,
- da nije direktor druge javne ustanove bez obzira ko je osnivač javne ustanove
- da nije član više od jednog upravnog ili nadzornog odbora bez obzira ko je osnivač javne ustanove.

V Mandat

Predsjednik i članovi Upravnog odbora imenuju se istovremeno na period od 4 (četiri) godine,.

Predsjednik i članovi Upravnog odbora zaključuju ugovor sa Muzejom na osnovu odluke Gradonačelnika. Ugovor u ime Muzeja potpisuje direktor.

Kandidati s kojima se ne stupi u kontakt u roku od 8 (osam) dana od dana isteka roka za podnošenje prijave neće se uzeti u obzir u razmatranje u daljem procesu kandidovanja.

VI Prilikom procjene kvalifikacija i iskustva u obzir će se uzeti i slijedeći kriteriji:

- rezultati ostvareni u dosadašnjem radu,
- radno iskustvo u oblasti umjetnosti, kulture i obrazovanja,
- sposobnost upravljanja finansijskim sredstvima i ljudskim resursima,
- komunikativne i organizatorske sposobnosti,
- naklonjenost timskom radu.

VII Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, priložiti originalne dokumente ili ovjerene kopije dokumenata i to:

- uvjerenje o državljanstvu BiH;
- izvod iz matične knjige rođenih,
- diploma o stečenoj školskoj spremi;
- uvjerenje ili potvrda o radnom iskustvu;
- uvjerenje da se protiv lica ne vodi krivični postupak (izdaje sud), ne starije od 6 mjeseci,
- uvjerenje o nekažnjavanju (izdaje MUP prema mjestu rođenja), ne starije od 6 mjeseci;
- ovjerena izjava kandidata o ispunjavanju općih i posebnih uvijeta,
- ljekarsko uvjerenje nadležne zdravstvene ustanove o opštoj zdravstvenoj sposobnosti koje nije starije od 6 (šest) mjeseci – dostavlja se lično nakon utvrđivanja liste kandidata koji zadovoljavaju uslove preporuke

Svi kandidati koji budu stavljeni na listu užeg izbora bit će pozvani na intervju pred Komisijom za izbor nakon čega će Komisija putem pismene preporuke predložiti rang-listu sa najboljim kandidatima.

Bilo koji kandidat ili bilo koja druga osoba ima pravo podnijeti prigovor na konačno imenovanje ako vjeruje da se u procesu imenovanja nisu ispoštovali principi utvrđeni zakonom.

Prigovor se podnosi Gradonačelniku, a kopija se dostavlja ombudsmenu za ljudska prava Federacije BiH.

Oglas će biti objavljen u „Službenim novinama Federacije BiH“, web stranici Grada Sarajeva i Dnevnom listu „Oslobođenje“ i ostaje otvoren 15 dana od dana posljednjeg objavljivanja.

Prijave sa potrbnom dokumentacijom u zatvorenoj koverti dostaviti:

**na Protokol Grada Sarajeva ili preporučeno poštom na adresu:
Grad Sarajevo
ul. Hamdije Kreševljakovića broj 3, 71000 Sarajevo, s naznakom
„Prijava na Javni oglas - ne otvaraj“
za „Komisiju za izbor i imenovanje članova Upravnog odbora
Javne ustanove „Muzej savremene umjetnosti ARS AEFI Sarajevo“**

Gradonačelnik

mr. Abdulah Skaka

Broj: 01/04-05-4844/18
Sarajevo; 12.09.2018. godine